

MALAMALAMA MAI LE MALUMALU




Lesona 8, Me, 2024



“O le a’ano lenei o loo tautala ai nei, ua ia i tatou le faitaulaga sili e faapena, o le ua nofo i le itu taumatau o le nofoalii o le Silisili ese oi le lagi, o le auauna i le mea paia, ma le falefetafai moni, sa faatuina e le Alii, ae le o tagata.” (Eperu 8:1,2)

Ina ua le afio mai Iesu i le 1844, faapei ona faailoa mai i le 70 vaiasosa ma le valoaga i le 2,300 aso, sa tatau loa ona toe iloiloina le valoaga. Ma ua latou mauaina ai le mea nei:

O le faamamāina o le falefetafa'i e lē o le Afio Faalua Mai lea o Iesu. Pe ana fai e faailoa mai o le Tanielu 8:14 ma le faamasinoga i le Tanielu 7:9-10 o le mea lava e tasi, so o le a la lea malumalu e manaomia ia faamamāina? I le isi itu, o le a lea faamasinoga na faapea e amata i le 1844?



O le Falefetafa'i moni



O le faamamāina



O le Faamasinoga



O le alofa mutimutivale ma le amiotonu



O le Loia ma le Fautua

O LE FALEFETAFI MONI

“O le auauna i le mea paia, ma le falefetafa'i moni, sa faatuina e le Alii, ae le o tagata” (Eperu 8:2)

Pe afai o le malumalu e tatau ona faamamāina e le o le lalolagi, a'o le a la?

I le suesueina o le Tusi Paia ina ua mavae le lē fiafia tele na tulai mai i le 1844, na iloa ai e tagata o le Toe Afio Mai e lua lava malumalu:

O le malumalu faale-lalolagi, o le faatusa ma se ata o le mea moni (Eperu 8:5)

O le malumalu faale-lagi, na faatuina e le Atua lava Ia (Eperu 8:2)

O le ulua'i malumalu, ma malumalu na mulimuli ane se'ia oo i le TA 70, na fausiaina lava i le faatusa poo ata na faaali atu e le Atua ia Mose (Esoto 25:40). Ua faatusaina i ai le Tama'i Mamoe moni ma le Faitaulaga Sili: o Iesu lava lea (Ioane 1:36; Eperu 4:14).

Muamua, na ofoina mai e Iesu lava Ia mo i tatou ina ia aveesea ai le ta'usalaina ona o a tatou agasala (Roma 5:8); ma lona lua, na fautua o Ia mo i tatou, faasa'oloto i tatou mai le pule a le agasala, ma ua la puipuia lo tatou faaolataga (Eperu 7:25).



O LE FAAMAMĀINA O LE MALUMALU



“Na te faia foi se togiola mo le mea paia, ona o le leaga o le fanauga a Isaraelu, ona o latou solitulafono foi i a latou agasala uma” (Levitiko 16:16a)

E ui lava na faamagaloina le fanauga a Isaraelu e ala i le ofoina atu o a latou taulaga, ae o lo latou nofosala e “tauaveina” atu lava lea i le malumalu. O le mea lea, ua alagatatau ai le faamamāina. Na tupu lenei mea i le aso o le togiola, ma ua lauiloa e tagata Eperu e oo mai i ona aso nei o se aso o le faamasinoga.



E tatau i tagata uma ona faapuapua gatia lona agaga (Levitiko 23:27)



Aua nei fai ai se galuega e tasi i lea lava aso (Levitiko 23:28)



E ulu atu ai le faitaulaga sili i luma o le Atua (Levitiko 16:12-13)



E faamamaina ai le atolaau, o ie puipui ma le fatafaitaulaga auro i le toto o le ‘oti (Lev. 16:15-19, 33)



O le tasi ‘oti ola na te tauave le amioletonu a le nuu i le vao/nofoaga tuufua (Lev. 16:20-22)



Ona faatoa faamamain a loa lea oi latou mai a latou agasala (Levitiko 16:30)

Pe afai ae leai se tasi e puapuagatia, salamo i a latou agasala, e “vavaeeseina” i latou (Lev. 23:29-30). E faamaufaailogaina lona iuga i lea lava aso. E faapena foi, pe a mae’a ona faamamāina le malumalu faale-lagi, o le a faamaufaailogaina ai lo tatou iuga. I le taimi nei, e puapuagatia ai o tatou agaga, ma o le aso nei foi o filifiliga (Eperu 3:14-15).



O LE FAAMASINOGA

“Ua faapea atu ma le leo tele, “Ia outou matata’u i le Atua, ma avatu ia te Ia le viiga, aua ua oo mai le ituaso o Lana faamasinoga; ma ia outou ifo i Le na faia le lagi, ma le fanua, ma le sami, atoa ma puna o vai”” (Faaaliga 14:7)

E tusa ai ma le valo’aga, o le faamamaina o le Malumalu Faale-lagi – o lona uiga, o le Faamasinoga – lea na amata i le1844. Talu mai lea taimi, na alagaina ma le leo tele e le Ekalesia o le Toe Afio Mai le folafolaina atu ua oo mai le itula o le faamasinoga, ma ua valaaulia ai tagata uma ia tapua’i atu i le Atua, ma ia ola e tusa o Ana poloa’iga (Faaaliga 14:7).

Ae pe o le a le oo mai ea lea faamasinoga pe a afio mai Iesu i le Lalolagi? (1Nofoa’iga Tupu 16:33; 2Timoteo 4:1)

Pe a afio mai Iesu, o le a la faataunuuina lava le faamasinoga ua uma ona faia, talu ai o Lona afio mai ia aumaia le “taui” e taui “ta’itasi atu ia tusa ma lana ua fai” (Faaaliga 22:12); ua la auina atu Ana agelu e faapotopoto i le ‘au filifilia (Mataio 24:31); ma toe faatutūina i latou o e faatuatua ia te Ia (1Tesalonia 4:16). Ia mātau le mea lenei, o le oti o’i latou o e lē talitonu e lē toetutū pe a afio mai Iesu, ma o lea o le a le maua ai lo latou taui i le taimi lea se’ia mavae tausaga e afe (Faaaliga 20:4-5).



ALOFA MUTIMUTIVALE MA LE FAAMASINOGATONU

“Ona faatumauna lea o le nofoalii i le alofa, e nofo ai foi ma le faamaoni i le faleie o Tavita, o le na te faamasinoina, ma tausisi i le faamasinoga, e faataalise foi o ia i le amiotonu.” (Isaia 16:5)

O poloa’iga e10 ua tuuina i totonu o le atolaau, ua faatusaina lea i le tulaga o le faamasinoga tonu faale-lagi (Failauga 12:13-14). O le nofoa o le alofa o loo i le va o le tulafono ma le afioaga o le Atua, ua faatusaina lea i le alofa mutimutivale faale-lagi (1Ioane 2:1-2).

Sa sausuina Lona toto i luga o le fata faitaulaga o taulaga mu



O le ala i le Malumalu Paia e amata i le taliaina o le taulaga a Iesu

Sa sausuina Lona toto i luga o le fatafaitaulaga e mu ai mea manogi



E faaauau pea lea olaga i se mafutaga vavalalata ma Keriso

Sa sausuina Lona toto i luga o le veli, i luma o le atolaau



Ma faaiuina pe a tuuina atu la tatou mataupu i luma o le Faamasino

O le faamasinoga tonu e manaomia ai le tausisia o le Tulafono. Ua talia e le alofa mutimutivale le soifuaga atoatoa o Iesu e suitulaga mo i tatou (1Peteru 1:18-19). “O le mea lava leni ua atoatoa ai le alofa ia te’i tatou, ina ia tatou maua le faamalosi i le aso o le faamasinoga” (1Ioane 4:17).






O LE LOIA MA LE PULUVAGA

“O le mea foi lea e mafai ai ia te Ia ona faaola pea lava i e faalatalata atu i le Atua ona o Ia, aua o loo soifua pea ia e fautua mo i latou” (Eperu 7:25)

O le soifuaga o Iesu na faaalua ai le alofa o le Atua o loo manaomia e le lalolagi ma le atulaulau o loo va'ai. O Lona maliu na faaalua ai le mata'utia o le agasala ma na saunia ai le faaolataga mo tagata uma. O Lana fautua i le malumalu faale-lagi ua maua ai le manuia o le togiola, mo i latou ta'ito'atasi o e aapa atu i le faatuatua ma talia e i latou.

I o tatou olaga atoa ma, e ioeina, i le taimi o le faamasinoga, o Iesu o lo tatou lava Fautua (1Ioane 2:1).



O le galuega a Iesu i le Malumalu Paia o loo a'oa'o mai i a'i tatou:

- Se malamalama manino i le fuafuaga o le togiola
- Ni mana'oga o le Tulafono a le Atua
- Le tau e le mafaatusatusaina o lo tatou faaolataga
- Le ala na tatalaina e Iesu e oo atu ai i le Tamā
- Le saogalemu e mafai ona faalatalata atu ai i le Atua ma le mautinoa

Ua toe o se aga ona muta le o le Faamasinoga, ma e “faali faalua mai ai “Iesu” e le ina ia aveina agasala, a ia faaolaina i latou o e faatalitali atu mo Ia” (Eperu 9:28).



“A’o tatalaina tusi o faamaumauga i le faamasinoga, o olaga o’i latou uma o e talitonu ia Iesu ua toe aumai e iloilo ina i luma o le Atua. E amata mai i a’i latou o e na mua’i soifua i luga o le fogaeleele, e tuuina atu e lo tatou Fautua o mataupu i le faasologa mai o tupulaga taitasi, ma faaiuina i e o loo soifua.

O igoa uma lava e ta’ua, o mataupu uma e su’esu’e toto’aina. E i ai igoa e taliaina, ma igoa foi e teena [...]

Oi latou uma o e ua salamo ma le faamaoni i le agasala, e ala i le faatuatua ua avea ai le toto o Keriso ma taulaga o lo latou togiola, ua maua le faamagaloga faasaga atu i tusi o le lagi; a’o avea i latou ma e ua tofusia i le amiotonu a Keriso, ma ua maua o latou uiga ua o gatasi ma le tulafono a le Atua, o le a soloiesea foi a latou agasala, ma o le a ta’uaogaina i latou lava mo le ola e faavavau.”

“O loo ua tatou tutū nei i le lotoā i fafo, e faatalitali ma vaava’ai atu mo le faamoemoe i tala atu, o le faaali mai lea o le mamalu o lo tatou Alii ma le Faaola o Iesu Keriso [...] I fautuaga i le avea ai o Ia o lo tatou fautua, e le manaomia e Keriso se amioatua a le tagata, poo se fautuaga faale-tagata. Ua na’o Ia e tauaveina ma faamagalo agasala, ua na’o Ia foi le taulaga mo agasala. O talosaga ma le ta’uta’u atu o agasala ua na’o Ia lava e tatau ona ofoina atu i ai, o Lē e ulu atu faatasi mo tagata uma i le Mea e Silisili ona Paia. O le a Ia faaolaina i latou uma o e o atu ia te Ia ma le faatuatua. O loo soifua pea o Ia e faia le faiva o le fautua mo i tatou.”

EGW (Jesus Our Advocate, November 1)